



AKADEMIA
AD FUTURUM PER FONTES

JOU

INLIGTINGSGIDS



AKADEMIA IS DEUR DIE SOLIDARITEIT BEWEGING BEGIN om 'n Afrikaanse gemeenskapsuniversiteit te wees wat toegang tot universiteitswese in Afrikaans bevorder en dit uitbou in die moderne internasionale samelewing. In 'n poging om toeganklike gehalte hoër onderwys in Afrikaans te bevorder, bied Akademia naurse en voltydse studies aan.

Akademia is ingevolge die Wet op Hoër Onderwys 101 van 1997 by die Departement van Hoër Onderwys en Opleiding as 'n privaat Afrikaanse hoëronderwysinstelling geregistreer.

Akademia se kwalifikasies is ook deur die Raad op Hoër Onderwys geakkrediteer – dieselfde statutêre liggaam wat openbare universiteite se kwalifikasies in Suid-Afrika akkrediteer.

“Jou loopbaanreis begin hier.”

ONDERRIGLEERMODELLE

Akademia bied vele oplossings vir die duisende Afrikaanssprekendes wat in 'n vriendelike, verstaanbare en gehalte omgewing onderrig in hulle moedertaal wil ontvang.

Studente het 'n keuse tussen naurse afstandstudie oor 'n netwerk van sentrums of via e-leer, en voltydse studies by die Centurion-kampus.

NAURSE AFSTANDMODEL	VOLTYDSE KAMPUSMODEL
Aangebied by sentrums of via e-leer	Aangebied op die Centurion-kampus
Ideaal vir werkendes wat naurse wil studeer	Ideaal vir skoolverlaters wat voltyds wil studeer
Studente woon klas by op weeksaande en Saterdag	Studente draf bedags klas
Gevorderde tegnologie verbind dosente en studente in virtuele leerruimte	Dosente gee klas op tradisionele manier
Beperkte studentelewe	Aktiewe studentelewe

Klik hier vir meer oor die verskil tussen die onderrigleermodelle

HOE STUDEER EK IN DIE NAURSE AFSTANDSMODEL?

Akademia se naurse afstandsmodeel is aantreklik vir studente wat nie voltyds op kampus kan of wil studeer nie. Talle studente kies om te werk of ander belangstellings na te streef terwyl hulle studeer. Akademia se sentrums, waar naurse afstandstudente klas met hulle eie skootrekenaars en oorfone bywoon, is ingerig as netjiese saamwerkruimtes met wissellessenaars. Saamwerkruimtes bied stabiele krag en gratis breëband-internettoegang op veilige persele. Die ideale van Akademia as gemeenskapsuniversiteit word deur hierdie sentrums vergestalt deurdat bande gesmee word, gesprekke gevoer word en vriendskappe gebou word. Akademia-studente (bekend as Fonties) wat goedkeuring ontvang het om via die e-leeropsie klas te draf, skakel ook aanlyn by kontakssessies in.

In die tye tussen kontakssessies word studente se leerproses gerig deur h vooraanstaande leerbestuurstelsel genaamd die Spens. Ná afloop van klaskontakssessies word die opnames binne enkele dae op die Spens vir studente beskikbaar gemaak. Hier kan studente video-opnames van die kontakssessie aflaai of argiefmateriaal bestudeer.

**Studente word outomaties ingedeel om verpligte kontakssessies by h studiesentrum by te woon. h Spesiale aansoek kan voltooi word om vir e-leer oorweeg te word. [Bepalings en voorwaardes geld.](#)*

HOE STUDEER EK IN DIE VOLTYDSE KAMPUSMODEL?


Op Akademia se voltydse kampusmodel studeer studente voltyds op die tradisionele wyse. Studente woon bedags verpligte kontakssessies by die Centurion-kampus by. Soos met die afstandsmodeel, verkry studente toegang tot Akademia se digitale leerruimte, die Spens, waar leermateriaal en -ondersteuning gebied word. Kontakssessies is interaktief en studente kan direk vrae aan die dosent rig of met medestudente skakel in die klas.

Die kampusmodel word ingerig met onder andere h kafeteria, kliëntedienssentrum, h biblioteek, asook verskeie studente-ondersteuningsinisiatiewe. Studente in hierdie model word opgeneem in h aktiewe studenteleeu.



A K A D E M I A S E S E N T R U M S

KL I K H I E R V I R A D R E S S E



G A U T E N G

Centurion
Krugersdorp
Moot

V R Y S T A A T

Bloemfontein

W E S - K A A P

George
Somerset-Wes
Paarl

**Die voltydse kampusmodel word by die Centurion-kampus aangebied.*

STUDIERIGTINGS

Akademia bied die volgende geakkrediteerde kwalifikasies aan.

	Nauurse afstands-model (sentrums of e-leer) *spesiale aansoekproses om vir e-leer te kwalifiseer	Voltydse kampusmodel (bedags)
Fakulteit Ekonomiese en Bestuurswetenskappe		
BComHons (Ondenemingsbestuur)	✓	
Nagraadse Diploma in Belasting	✓	
Nagraadse Diploma in Bestuursrekeningkunde	✓	
BCom (Bestuursrekeningkunde)	✓	
BCom (Ekonomie en Regte)	✓	✓
BCom (Finansiële Beplanning)	✓	
BCom (Finansiële en Bestuursrekeningkunde)		✓
BCom (Ondernemingsbestuur)	✓	✓
Gevorderde Diploma in Projekbestuur	✓	
Hoër Sertifikaat in Kantooradministrasie	✓	
Hoër Sertifikaat in Rekeningkunde	✓	
Fakulteit Geesteswetenskappe		
BA (Kommunikasie en Joernalistiek)		✓
BSocSci (Politiek, Filosofie en Ekonomie)	✓	✓
Fakulteit Natuurwetenskappe		
BSc (Rekenaarwetenskappe)		✓
BSc (Wiskundige Wetenskappe)		✓
Fakulteit Opvoedkunde		
Nagraadse Onderwysertifikaat (Senior Fase- en VOO-onderwys)	✓	
BEd (Intermediêre Fase-onderwys)		✓
BEd (Grondslagfase-onderwys)		✓
Fakulteit Regsgeleerdheid		
Baccalaureus Legum (LLB)	✓	✓

AANSOEK VIR STUDIES

Akademia se aansoeke vind eksklusief aanlyn plaas, en kan [hier](#) op die instansie se webblad gevind word. Laat sowat 20 minute toe om jou aansoek te voltooi.



Gesertifiseerde matrieksertifikaat / mees onlangse matriekpunte

Gesertifiseerde identiteitsdokument

CV

Enige vorige naskoolse kwalifikasie (in die geval van mense ouer as 19)

DOEN AANSOEK

BETALINGSOPSIE VIR 2024

Die volgende afbetalingsopsies is beskikbaar.

OPSIE 1: Volle studiegelde betaal teen 31 Januarie 2024.

OPSIE 2: Indien die volle studiegelde vir die 2024- akademiese jaar betaal is teen 15 Desember 2023, ontvang die student die programkoste van die 2022- akademiese jaar, sonder die jaarlikse prysverhoging. Rig enige navrae in die verband aan finansiesnavrae@akademia.ac.za

OPSIE 3: Ná betaling van die registrasiefooi (R3 000) kan die student 'n afbetalings-ooreenkoms met Akademia sluit, waarvolgens afbetaling van die oorblywende studiegelde (minus die registrasiefooi) van einde Februarie tot einde November onderskeidelik met een vyfde per maand vereffen moet word.

OPSIE 4: Studente kan tydens die studieaansoekproses van Akademia aandui of hulle vir finansiering wil aansoek doen.



HET JY NOG VRAE?

Besoek die “Gereelde vrae en antwoorde”-afdeling op die Akademia-webblad, stuur ’n e-pos na navrae@akademia.ac.za of WhatsApp ons by 0861 222 888.

www.akademia.ac.za

WhatsApp navrae na 087 997 1790

